



Centro Integrado Gestão De Crise Sala De Situação

KOMUNIKADU BA IMPRENSA

9 de Juñu 2021, 16H00.


(Dr Rui Maria de Araújo, Kordenador Forsa-Tarefa ba Prevensaun no Mitigasaun Surtu Covid-19 iha Timor-Leste, CIGC-SS)

Ohin, loron 9 fulan Juñu 2021, hodi Centro Integrado Gestão de Crises, Sala Situação (CIGC-SS) nia naran, hakarak hato'o ba jornalista, no ba públiku tomak, informasaun hanesan tuir mai:

I. DADUS JERAL BA TIMOR-LESTE TOMAK:

- 1) Kazu **detetadu foun** ne'ebé relata ohin dia 9 de Juñu de 2021: **79** (iha **Dili 61**, iha Munisipiu seluk, 18)
 - Husi total kazu detetadu foun ohin: **mane 39, feto 40.**
 - Husi total kazu detetadu foun ohin, hirak ho idade **tinan <12:1**; ho idade **entre tinan 12-59 nain 95** (96,9%); ho idade **>60:2.**
 - Husi total kazu detetadu foun ohin, **proporsaun kazu sintomátiku hamutuk 10,1%.**
- 2) **Kazu rekuperadu** ne'ebé ralata ohin, dia 9 de Juñu 2021: **256.**
- 3) Total **kazu ativu** ohin, dia 9 de Juñu 2021:**1938.**
- 4) Total **kazu konfirmadu kumulativu** iha 9 de Juñu 2021 (sura husi 21 Marsu 2020): **7941.**
- 5) **Total óbitu** ne'ebé relata ohin, 9 de Juñu 2021: **0.**

Gráfiku Nº1: Mortalidade ho Covid-19 iha Timor-Leste



- Koluna iha gráfiiku iha leten, hatudu kazu óbitu iha Timor-Leste, hahú fulan Abril 2021.
- Husi kumulativu óbitu nain 18 ne'ebé iha, *Case Fatality Rate (Taxa mortalidade Kazus)* iha Timor-Leste hanesan ho 0,2%. Ida ne'e signifika, iha kada 1000 kazus pozitivus, maizoumenus ema nain 2 maka hetan óbitu (mate).

6) Husi horiseik mai ohin, dia 8 de Juñu, hamutuk hotu Laboratóriu Nasionál Saúde halo **1061 testes PCR iha Dili**, ho detalles hanesan tuir mai:

- Vijilánsia sentinela:**9**.
- Rastreiu ba kontaktu (Contact tracing):**46**.
- Rastreiu Aleatóriu (Random Screening):**205**.
- Viajen sai husi serka sanitária Munisipiu Dili: **790**.
- Viajen internasionál:**11**.
- Follow up iha quarentena: **0**.

7) Total testes PCR ne'ebé halo horiseik dia 8 de Juñu iha Munisipiu sira seluk , REAOA & HNGV, hamutuk **483**, ho detalle hanesan tuir mai: **(a) Baucau:47; (b) Ermera:99; (c) Maliana:64; (d) Maubisse:128; (e) RAEOA:1; (f) Suai:32; (g) Viqueque:33; (h) HNGV: 79**.

II. TABELA EVOLUSAUN SURTU COVID 19 IHA TIMOR-LESTE: HUSI 21 MARSU 2020 - 9 JUÑU 2021.


(Tuir klasifikasaun transmissaun OMS nian)

Nº	MUNISIPIU	KAZU DETETA- DU FOUN IHA 24 ORAS IKUS	TAXA INSIDÉNSIA PUR 100 MIL ABITANTES	KAZU REKUPERA- DU IHA 24 ORAS IKUS	KAZU ATIVU	KUMULATIVU REKUPERADU	KUMULATIVU KAZU KONFIRMADU	ÓBITU IHA 24 ORAS IKUS	KUMU- LATIVU ÓBITU	KLASIFIKASAUN TRANSMISSAUN
1	AILEU	0	1,8	3	20	9	29	0	0	Kazu iha Cluster
2	AINARO	0	0,9	0	11	33	44	0	0	Kazu iha Cluster
3	BAUCAU	0	6,0	0	217	94	311	0	0	Kazu iha Cluster
4	BOBONARO	5	3,0	8	59	143	203	0	1	Kazu iha Cluster
5	COVALIMA	2	2,4	21	125	82	207	0	0	Kazu iha Cluster
6	DILI	61	20,2	215	1418	5305	6739	0	16	Transmissaun Komunitária
7	ERMERA	0	0,0	0	24	49	73	0	0	Kazu iha Cluster
8	LAUTEM	0	0,2	0	18	21	39	0	0	Kazu iha Cluster
9	LIQUIÇA	0	0,2	2	1	23	25	0	1	Kazu iha Cluster
10	MANATUTO	1	1,7	2	5	27	32	0	0	Kazu iha Cluster
11	MANUFAHI	0	0,0	1	0	55	55	0	0	Kazu esporádiku
12	RAEOA	0	0,6	0	5	8	13	0	0	Kazu esporádiku
13	VIQUEQUE	10	3,4	4	35	136	171	0	0	Kazu iha Cluster
TOTAL		79	6,8	256	1938	5985	7941	0	18	

III. EVOLUSAUN SURTU COVID 19 IHA MUNISPIU DILI, MUNISPIU SIRA SELUK NO MÓS RAEOA

Atu bele hatene surtu ida ninia evolusaun, no mós surtu ne'e aumenta ka diminui, **indikador ida** ne'ebé matenek-nain epidemiolojia nian uza, maka **insidénsia**. Konvensionalmente insidénsia sukat **total kazu foun, kada loron, pur 100 mil habitantes, no hatudu risku ne'ebé populausaun iha atu hetan da'et moras ida.**

Gráfiku nº2: hatudu kazu detetadu foun kada loron iha Timor-Leste tomak, pur Munisipiu & RAEOA.




- Tabela ho Gráfiku Nº2 iha leten hatudu katak média (rata-rata) ohin, husi insidénsia Covid-19 iha Timor-Leste durante loron 7 ikus maka **6,8/100 mil abitantes**, enkuantu ba deit **Munisipiu Dili 20,2/100 mil abitantes**.
- Insidénsia iha leten sei nafatin hatudu katak Munisipiu Dili maka fatin ho risku bo'ot liu atu populausaun hetan da'et & hada'et tutuan virus SARS-CoV-2.
- **Maski nune'e, taxa insidénsia nasional & Munisipiu Dili tu'un liu 50% iha semana rua ikus nia laran (sura husi 27 Maiu to'o ohin).**

IV. INFORMASAUN HUSI IZOLAMENTU VERA CRUZ

1. Iha dia 9 de Juñu de 2021, izolamentu Vera Cruz halo tratamentu ba kazu detetadu nain **23**. Iha área obstetrícia nain 4, iha medicina interna nain 19, neonatologia 1.
 - a) Sira nain **4 iha obstetrícia**, kategoria **leve (mild)** hotu.
 - b) Husi sira nain **19 iha medicina interna**, nain **3 grave** (3 uza oksijéniu ho NRM - Non-rebreather mask), nain **10 moderadu**, nain **6 leve (mild)**.

- c) **Ida iha neonatologia**, kategoria leve, foin moris husi inan pozitivu no teste PCR pozitivu.

Gráfiku nº 3: Total kazu pozitivu hirak ne'ebé baixa ospital kada loron & kumulativu.



- Koluna kór verde hatudu kazu moderadu ho grave hirak ne'ebé baixa kada loron.
- Liña azul iha gráfiku ne'e, hatudu númeru kazu moderadu no grave ne'ebé baixa iha Vera Cruz.

V. INFORMASAUN ADISIONÁL

1. Informa ba jornalista no públiku tomak katak hahú ohin dia 2 de Juñu de 2021, **ema ne'ebé recuperadu ona husi moras Covid-19** & liu ona husi izolamentu terapéutiku domisiliar (iha uma-rasik) ka iha fatin ne'ebé Estadu prepara, wainhira atu desloka sai husi/tama ba serka sanitária, **LA PRESIZA halo swab**, maibé nafatin presiza hetan autorizasaun esepSIONÁL husi Diretor CIGC. Atu bele prosesa autorizasaun esepSIONÁL tenki hatuku Sertifikadu Alta husi Izolamentu, ne'ebé MInistériu Saúde, liu husi ninia Pilar 7, fo'o ba ema recuperadu.
2. Aproveita informa mós ba públiku katak, fatin atu halo teste PCR maka hanesan tuir mai:
 - Wainhira sente moras isin-manas, mear, kakorok moras ka sintoma seluk tan: **bele ba konsulta iha Sentru Saúde ne'ebé besik, atu bele halo swab.**
 - Wainhira atu husu autorizasaun esepSIONÁL sai husi serka sanitaria iha Dili: **bele ba halo swab iha Centro Convenções Dili (CCD).**

- Wainhira sente katak sai kontaktu-besik ba ema ruma ne'ebé detetau pozitivu ona, no seidak hetan kontaktu husi ekipa konjunta saúde: **bele liga ba numeru 119** atu organiza oin sá foti swab.

VI. APELU

1. Apela ba populasauñ iha Dili laran no mós iha Munisipiu sira seluk, atu apresenta-an iha facilidade saúde públiku (Sentru Saúde ka Ospital) ne'ebé besik, wainhira sente isin-manas, ka kakorok moras, ka inus-ben, ka mear, hodi bele hetan atendimentu husi profesionál saúde sira. Wainhira sedu liu hatene se virus ne'e kona ita ka la'e, di'ak liu, hodi nune'e bele hetan atendimentu sedu liu, no prevene tama ba iha situasaun ne'ebé hanaran sindroma insufisiénsia respiratória aguda (SIRA), ka susar/difisil atu dada-i'is.
2. Ba populasauñ iha Timor-Leste laran tomak, favor respeita nafatin regra prevensaun no ijiéne individual, ne'ebé Governu hatu'ur ona, atu prevene moras Covid-19 da'et ba mai. Regra sira ne'e, hanesan ita hotu hatene ona, maka: (a) uza máskara; (b) fase liman beibeik ho sabaun ka dezinfetante ruma; (c) evita kose liman ba matan, inus ho ibun; (d) wainhira kumprimenta malu, la presiza ka'er liman, bensa-liman, rei-malu ka haku'ak malu; (e) evita halibur malu barak; (f) hamri'ik ka tur do'ok husi ema seluk, mínimu metru ida ho balun.

-ninin no rohan-

RMA